

صراط مستقیم

محل مطبعه راداره :

جفال اوغلانده امنیت
صندوقی جوارنده
شکول بقوشنده
۲۲ نومرو

لفظار :

مسلکمه موافق آثار
جدیده مع المنونیه
قبول اولور
درج ایدلهین آثارعاده اولماز

دیر ، فلسفه ، علوم ، حقوق ، ادبیات تاریخ ، سیاست ، دین ، رشتونه اسلامیه ، بحث ایدر و هفته بر نشر اولور .

صاحب و مؤسسلری :

آبونه بدلی

ابوالعلاؤین العابدین - ح . اشرف ادیب
تاریخ تأسیسی
۱۰ تموز ۳۲۴

سنة لکی	القی آلفی	غروش	روپیه	فرائق
ممالك عثمانیه ایچون	۶۵	۳۵		
روسیه	۶۵	۳۵		
سائر ممالك اجنبیه	۱۷	۹		

در سعادتده نسخہ سی ۵۰ پاره در

قبرله دن مقوا بورو ایله کوندریلیرسه سنوی
۲۰ غروش فضله آلیر

بشنجی جلد

۲۰ ذی الحجه پنجشنبه ۹ کانون اول ۳۲۶

عدد : ۱۲۰

حدیث شریفه کانیجه بوکا دائر هنوز بو مجله جلیله کزده بر
شی کوروئمہ مسنی حقیقه بر نقصان عدا ایدرم . کتاب وسنت دینمک
اک مهم ایکی ماخذی ، منبئی اولدینی ایچون صراط ستونلارنده
بونلره برر قسم مخصوص آچمه کز ، ارباب همتک مساعی دیندارانه -
سنه مراجعت ایتمه کز لازمدیر . بویولده صرف ایده جککنز امکار
- امید ایدرم که - هدر اولماز . سزه هر طرفدن معاونته قوشه جق
ارباب علم و دیانت اکسیرک اولماز .

ایشته ین بو عجزمه برابر سزه عرض خدمت ایدیورم . نه
تفسیرده ، نه حدیثده تعمق اقتدارینی حائر اولمدیغی یقیناً بیلدیکم
حالده هیچ اولمازسه ترجمه ایله اولسون سزه یاردیم ایدیم دیورم .
(زبیدی) نك بخاری بی اختصاراً ترتیب ایتدیکی (التجربد الصریح
لاحادیث الجامع الصحیح) نام اثر مبارکنی وقت بولدیجه ترجمه
ایدوب سزه کوندریرسم البته رد ایتمزسکنز .

« مؤلف مقدمه سنده دیورکه : « اصحاب حدیثک پیشوایی ،
عصرینک او حدی امام کبیر ابو عبدالله محمد بن اسماعیل بن ابراهیم
« بخاری حضر ترینک (جامع الصحیح) ی شبهه سز اسلامه تصنیف
« ایدیلن کتسابلرک اک بویوکی ، اک مفیدیر . آنجیق احادیث
« متکرره سی ابواب مختلفه ده متفرقاً ایراد ایدلش اولدیغندن هر
« هانکی بایده اولان بر حدیث شریفی انسان آزارسه عادتاً بولمقدن
« واز کچه جک درجه ده مشقت چکر . حضرت بخارینک بوندن
« مقصدی طرق حدیثک کثرتی ، حدیثک درجه شهرتی آکلا تمقدر .
« بزم مقصدمن ایسه اصل حدیثی بیان ایتمکدن عبارتدر . طرق
« روایتک کثرتی . بواحدیث شریفه نك درجه شهرتی بیان ایتمک

« صراط مستقیم » جریده اسلامیه سی مؤسسين محترمه سنده

سلام علیکم ورحمة الله وبرکاته . اوقات فراغده سوه سوه
مطالعه سیله لذتیاب اولدیغ جریده کزک بن المسلمین تأسیس ایتمکده
اولدینی تعارف و تآلف ایتدیکی خدمتک درجه سنی سزه بیلدیرمه بی
زائد کورورم . توالی اعصار ظلم و جهالت ایچنده امت محمدیه نك
اوغر ادینی موت حسی و عقیدن صوکره حقایق اسلامیه بی بوزوق
دماغلره تلقین ، حسیات دینه بی قلوب میتده رکز و تثبیت ایچون
صور بعث ونشوری مملکت مزده اک اول نفخ ایدنلر دیه بیلیرم که
سز اولدیکنز . ایکی بحقی سنه لک مساعیکزله بو امت خوابیده یه
اوکرته جک چوق بشیلر بولدیغی اثبات ایتدیکنز . ربم ظهیر
ومعینکنز اولسون . کوریورم که سزک بو سعی پایدار کز بر آزدها
کنیش بر ساحه بولسه قبر نسیانه کومولش دفائن اسلافی احیایه ،
بحر غفلتک دینه آتلمش جواهر حقایق اسلامیه بی اظهاره باذن الله
موفق اوله جقسکنز .

فکر قاصرانه بجه بو وادیده آتجه کنز اک مهم خطوه تفسیر ایله
حدیثه طوغری اولمیدر . برکت زاده اسماعیل حق بک افندیکنک ،
مفتخر عصر اولان او فاضل و علامه بهمتانک (انوار قرآن) ی
حیات اسلامه لب تشنه اولان کوکالرمزه رشحه پاش اولوب طوررکن
هر حرفی حرز جان اولغنه سزا اولان او صحایف کزینک هر
نه دنسه بر مدندر « صراط » ک ستونلارندن غیوبتیه کوکالرمز
محزون اولیور . هر شیدن اول بو کتاب جلیلک نشرینه دوام
ایتمکزی نیاز ایدرسم بوجرا تمی کستاخلغه دکل ، حسن نیتمه ،
قلبده دینک بیلمین عشق قرآنه باغلار سکنز ظن ایدرم .

« وسلم قال کذا وکذا) لفظ لایہ حدیثی سوق ایدیور . ایشته بو
« کبی الفاظی ایراد ایتک خصوصتہ مؤلفہ تماماً متابعت ایتدم .
« شاید بو کتابدہ الفاظ بخاریہ مخالف الفاسط بولنورسہ نسخہ
« اختلافندن نشأت ایتشدیر . »

صاحب اثرک اثر حقندہ کی بوسوزلری مایهتتی ، درجہ قیمتی
لایقیلہ تعریفہ کافیدر .

کندیلکمدن فضله برسوز علاوه ایتک ایستہم . یالکیز احادیث
شریفہ نبویہی ترجمہیہ نقل ایتکی وسیلہ استشفاع اتخاذ ایدہرک
اختلاس وقت ایتدکچہ یازہ جفم شیلری سزہ تقدیم ایدہ جکمی وعد
ایدہرم . آنجق بو وعد مقیدمی ایفا ایچون ارباب فضل وکمالک معا .
ونشدہ محتاج اولدیغمی شیمیدن بیان ایتکی الزم کوروپورم . زیرا
دکل جوامع الکلم وفصل الخطاب اولان ، منبع وحی وحکمتدن صدور
ایدن اقوال سنیه جناب رسالتپناهی بی ، ہرہانکی لساندن ہرہانکی
بر عبارتہی دیگر لسانہ نقل ایدرکن قوت وروقتی بر درجہیہ قدر
زائل اولدیغی اربانچہ معلومدر . حالبوکہ ایدیلہ جک ترجمہ لک علی
قدرا لامکان اصلہ قریب اولسنی ، شیوہ لسان عثمانیہ مطابق اولقلہ
برابر اصل شریفہ کی قوتدن ، متانت ادادن امکان مساعد اولدیغی
درجہدہ نصیبہ دار اولسنی کوکلم آرزو ایدر . بناءً علیہ عرض
ایدہ جکم ترجمہ لک سقطاتی اخطار ایدہ جک ذوات کرامہ متشکر
اولہ جفم کبی دہا کوزل بر عبارتہ ایلہ ترجمہیہ موفق اولوب محضول
قریجہ لرینی تنزلاً اعلام ایدہ جک حسن سلیقہ اصحابنہدہ آبروجہ
عرض منتداری ایدہرم . بو کبی اخطاراتی ترجمہیہ شکل قطعینی
ویرمکہ خادم اولہ جققرندن عادتاً حرزجان عد ایدہ جکم . ومن اللہ التوفیق .

احمد نعیم

صراط مستقیم . احمد نعیم بک قارده شمرہ بوتون جہان اسلام
نامنہ تشکر ایدہرک بو قدر علوی ، بو قدر مقدس ، بو قدر نافع
بر خدمتی اوزرلرینے آلیورلر . واقعا ایش غایت آغیردر . لکن
کندیلرندہ قدرت عرفاندن ، قوت عزمدن . باشقہ بک بویوک بر حسن
نیت واردرکہ شو اوج مزیتک توفیقندن محروم قالمسی قابل دکلدر .
جناب حق « والذین جاهدوا فینا لنہدینہم سبلنا » بویورمیورمی ؟
انشاء اللہ شو صحیفہ لربو کون باشلانان امر خبرک کمال موفقیتلہ بیتیکنی دہ
کورور .

التجريد الصريح لاحاديث الجامع الصحيح

بسم الله الرحمن الرحيم

باب

رسول الله صلى الله عليه وسلم افندمن حضرت ترينہ وحیک
باشلانغیجی نصل اولدیغہ دائردر .

« مقصود منک خارجندہدر . زیرا او کتاب مقدسہ ہر نہ واریسہ
« جملہ سنک صحیح اولدیغی معلوم ومسلمدر . امام نووی رحمہ اللہ
« علیہک شرح مسلم مقدمہ سندہدہ عبارات آتیہیہ تصادف ایدیلور .
« بخاری ایسہ وجوہ مختلفہی بر برندن اوزاق ، متفرق بابردہ
« ذکر ایدر . چوغنی دہ اک مناسب اولق اوزرہ ذہنہ تبادر ایدن
« بابدہ ذکر ایتمز . بوندن طولایی طرق روایتی جمع ایتک وبر
« حدیث ایچون ذکر ایتدیکی طریقہ لک جملہ سیلہ بردن وثوق
« واطمئنان کسب ایلک طالب حدیث ایچون مشکلا شیر . اہ
« ینہ امام نوی دیورک : متأخرین حفاظ حدیثدن بر
« چوقلرینی کوردمکہ بو یوزدن خطایہ دوچار اولہرق صحیحندہ
« موجود فقط ذہنہ تبادر ایدن مواقمہ غیر مذکور اولان بعض
« احادیث بخارینک روایت ایتدیکنی انکار ایدرلر . اہ
« ایش بویلہ اولنجہ بو کتاب معظمہ کی احادیث شریفہی تکرارندن
« خالی اولہرق تجرید ایتکی آرزو ایتدم . حدیثی زحمتسزجہ
« ضبطہ قولایلق اولق ایچون دہ اسانیدی حذف ایتدم . تکرار ایتش
« بر حدیثہ صرہ کلنجہ ایلک دفعہ سندہ قید واثبات ، صوکرہ کیسندہ
« فائدہ لی بر زیادہ وارسہ او زیادہی دہ ایلک دفعہ سندہ کی روایتہ
« علاوه وفائدہ لی بر زیادہ یوق ایسہ ذکرندن صرف نظر ایتدم .
« بعضاً اولورکہ بر حدیث اولاً مختصراً روایت ایدیلریدہ صوکرہ لری
« دیگر بر روایتلہ دہا مفصل واولکندن فضله موادی حاوی
اولہرق ایراد اولنور . ایشته بویلہ یرلردہ برنجی بی ترک ایدہرک
« فائدہ زائدہ سندن طولایی ایکنجی بی یازدم .

« بردہ بخاری حدیثلری ایچندن یالکیز مسند ومتصل اولانلرینی
« ذکر ایتدم . مقطوع ویا معلق اولانلرینے ایلشمدیکم کبی حدیث
دایلہ تعلق اولیان وایچندہ علیہ الصلاة والسلام افندمن حضرت ترینک
« نام شریفی ذکر اولنمیان اخبار صحابہ وتابعینی دہ ترک ایتدم .
« مثلاً ابو بکر ایلہ عمر رضی اللہ عنہما حضرتک سقیفہ بی
« ساعدهیہ کیتلرینہ واورادہ بینیلرندہ جریان ایدن مکالمہیہ دائر
« اولان حکایہ ایلہ عمر رضی اللہ عنہ حضرت ترینک قتلی قصہ سی ایلہ
« صاحبین کریمینی یانہ دفن اولنمسی حقندہ حضرت عایشہ رضی اللہ
« عنہادن استیذان اوغلنہ وصیت ایتمی وشوری حقندہ کی سوزلری وعثمان
« رضی اللہ عنہہ بیعت قصہ سی وزیر رضی اللہ عنہک دیوننی ویرمک
« اوزرہ اوغلنہ وصیتی کبی شیلری حذف ایتدم .

« بردہ ہر حدیثدہ راویسی اولان صحابینک اسمنی یاد وبخاری
« اسم صحابی بی ہانکی لفظ ایلہ ذکر ایتش ایسہ علی الاکثر او لفظی
« محافظہی اعتیاد ایتدم . مثلاً امام مشار ایلہ بعضاً (عن عائشة) ،
« بعضاً (عن ابن عباس) ، بعضاً (عن عبد الله بن عباس) دیور .
« کذلک بعضاً (ابن عمر) دیدیکی کبی بعضاً (عبد الله بن عمر) دیور .
« بعضاً (عن انس) ، بعضاً دہ (عن انس بن مالک) دیور . کذلک
« بعضاً (عن فلان عن النبی صلی اللہ علیہ وسلم) ، بعضاً (قال قال
« رسول الله صلى الله عليه وسلم) ، بعضاً دہ (ان النبی صلی اللہ علیہ